

Das jhn Sanct Peter must entlauffn,
 Zum HERRen kam mit ächtzn vnd
 schnauffn
 Vnd klagt ihm vber die Landsknecht.
 Der HERR sprach: Dir gschicht nit
 vnrecht,
 Hab ich dir nit gesaget heut,
 Laß sie drauß, es sind freche Leut.
 Sanct Peter sprach: O HERR, der ding
 Verstund ich nit, hilf daß ichs bring
 hinauß, soll mir ein witzung sein,
 Daß ich kein Landsknecht laß herein,
 Weil sie sind so mutwillig Leut.
 Der HERR sprach: Eim Engel gebeut,
 Daß er ein Trummel nem zuhand,
 Vnd für des Himmels Pforten stand,

Vnd einen Lerman darvor schlag.
 Sanct Peter thet nach seiner sag.
 Bald der Engel den Lerman schlug,
 Loffen die Landsknecht ohn verzug
 Eylend auß durch das Himmelstho
 Meynten ein Lerman wer darvor.
 Sanct Peter bschloß die Himmels
 pforten,
 Versperrt die Landsknecht an den
 orten,
 Da keiner seit hinein ist kummen,
 Weil Sanct Peter thut mit jhn
 brummen.
 Doch nemmt auf schwanckweiß diß
 gedicht,
 Wie Hans Sachs on alls arges spricht.

V. Der Gukguk.

(Volfslieb.)

Der gutzgauch hat sich zu tod
 gefallen
 von einer hollen weiden,
 wer soll uns diesen sommer lang
 die zeit und weil vertreiben?

Das soll sich tun frau Nachtigal,
 sie sitzt uf einem zweige,
 sie singt, sie springt, ist freuden voll,
 wann andere vöglein schweigen.

Mein Lieb hat mir ein brief ge-
 schickt,
 darinn da steht geschriben:
 sie hab ein andern lieber dann mich;
 darauf hab ich verzigen.

Hastu ein andern lieber dann
 mich,
 das acht ich wahrlich kleine,
 da sitz ich uf min apfelgraws roll
 und reit wol über die heide.

Und do ich über die heide kam
 mein feins lieb trauret sere;
 laß farn, laß farn was nit bleibe
 will!

man findt der schön junkfrewlin mere
 Der uns das liedlen new gesang
 von newem hat gesungen,
 das haben getan zwen reuter gut
 ein alter und ein junger.

VI. Der Landsknecht.

(Volfslieb.)

Ich kam für einer frau wirtin haus,
 man fragt mich, wer ich wäre.
 ,ich bin ein armer schwartenhals,
 ich eß und trink so gerne.'

Man führt mich in die stuben ein
 da bot man mir zu trinken,
 mein augen ließ ich umbher gan
 den becher ließ ich sinken.